


高麗史節要

朝鮮史料叢刊

1593



朝鮮史編修會編

朝鮮史料叢刊

第一

高麗史節要

90
22
10
1A

朝鮮總督府景印京城帝國大學藏舊奎章閣本原三十五卷闕三卷共二十四册原書鐫印匡郭縱二五五厘橫一七五厘昭和七年十二月刊于京城

185 28 10월 10 일



麗史節要卷之一

太祖神聖大王

諱建字若天姓王氏漢州松嶽郡人金城太守隆之長子母韓氏以唐僖宗乾符四年新羅憲康王三年丁酉正月十四日丙戌生太祖於松嶽南第神光紫氣耀室充庭竟日盤旋狀若蛟龍幼而聰明龍顏日角方頤廣額氣度雄深語音洪大寬厚有濟世之量在位

二十六年壽六十七

戊寅

元年

後梁末帝貞明四年夏六月丙辰太祖契丹太祖神冊三年

即位于布政殿國號高麗改元天授初世祖築室松嶽之南僧道詵來憇門外樹下嘆曰此地當出聖人世祖聞之倒屣出迎相與登松嶽道詵俯察仰觀就爲書一封授世祖曰公明年必得貴子既長可以與之書秘世莫知也太祖年十七道詵復至請見曰足下值百六之會三季蒼生待公弘濟因告以出師置陣地利天時之法望秩山川感通保佑之理時新羅政衰群賊競起甄萱叛據南州稱後百濟弓裔據有高勾麗之地都鐵圓國號泰封世祖爲松嶽郡沙朶以郡歸于裔裔喜即以爲

太祖

金城太守世祖因說裔曰大王若欲王朝鮮肅慎下韓之地莫如先城松嶽以吾長子爲其主裔從之使太祖築勃禦槩城仍爲城主時太祖年二十後伐廣州忠州唐城青州槐壤等郡縣平之以功授阿朶又率舟師攻錦城郡拔之擊取十餘郡縣仍改錦城爲羅州良州告急裔令太祖往救之及還陳安邊拓境之策左右皆屬目裔亦奇之進階關朶攻尚州沙火鎮與甄萱累戰克之太祖見裔驕虐復有志於聞外適裔以羅州爲憂遂令太祖往鎮之進階爲韓朶海軍大將軍推誠撫士威惠